

Na osnovu člana 8. stav 3. alineja 7. Zakona o principima lokalne samouprave u Federaciji BiH („Službene novine Federacije BiH“, broj 49/06 i 51/09), člana 4. stav 2. i člana 13. stav 4. Zakona o cestama Federacije BiH („Službene novine Federacije BiH“, broj: 12/10, 16/10 i 66/13) i člana 70. stav 1. tačka 2. Statuta Općine Vogošća (“Službene novine Kantona Sarajevo”, broj: 27/14 – Prečišćeni tekst, 14/15 i 9/20) Općinsko vijeće Vogošća na sjednici održanoj 25.04.2024. godine donijelo je

ODLUKU O KORIŠTENJU CESTOVNOG ZEMLJIŠTA NA PODRUČJU OPĆINE VOGOŠĆA

I – OPĆE ODREDBE

Član 1.

Ovom Odlukom uređuju se uslovi i način korištenja cestovnog zemljišta lokalnih i nekategorisanih cesta na području općine Vogošća, uslovi i postupak ustupanja i visina naknade za korištenje po osnovu instaliranja uređaja i opreme, građenja vodoprivrednih, telekomunikacijskih, elektroenergetskih i drugih komunalnih instalacija i objekata (instalacije, cjevovodi i sl.), inspekcijски nadzor nad provođenjem ove Odluke, te druga pitanja od značaja za korištenje cestovnog zemljišta na području općine Vogošća.

Član 2.

Pod zemljištem koje je predmet ove Odluke podrazumijeva se zemljište koje je u trupu ceste i sa obje strane trupa ceste (cestovni pojas), zemljište koje služi poslovnim zgradama i objektima za potrebe ceste, kao i drugo zemljište koje pripada lokalnim i nekategorisanim cestama (u daljem tekstu: cestovno zemljište) definisano članom 7. Zakona o cestama Federacije BiH („Službene novine Federacije BiH“, broj: 12/10, 16/10 i 66/13).

Član 3.

Lokalne ceste na području općine Vogošća određene su Odlukom o razvrstavanju vangradskih lokalnih cesta na području Kantona Sarajevo („Službene novine Kantona Sarajevo“, broj: 22/13).

Nekategorisana cesta je površina koja se koristi za saobraćaj po bilo kojoj osnovi i koja je pristupačna većem broju korisnika, a nije razvrstana u jednu od kategorija javnih cesta.

II – USLOVI I NAČIN KORIŠTENJA CESTOVNOG ZEMLJIŠTA

Član 4.

Cestovno zemljište može se ustupiti na korištenje pravnim i fizičkim licima (u daljem tekstu: korisnicima).

Član 5.

Cestovno zemljište može se koristiti za instaliranje uređaja i opreme, građenje vodoprivrednih, telekomunikacijskih, elektroenergetskih i drugih komunalnih instalacija i objekata (instalacije, cjevovodi i sl.).

Član 6.

Korisnik ne može, bez saglasnosti upravitelja lokalnih i nekategorisanih cesta na području općine Vogošća, pravo korištenja cestovnog zemljišta ustupiti trećim fizičkim ili pravnim licima, niti izvršiti prenamjenu korištenja cestovnog zemljišta za koje je dobio odobrenje za korištenje.

III - USLOVI I POSTUPAK USTUPANJA

Član 7.

Rješenje o korištenju cestovnog zemljišta po osnovu instaliranja uređaja i opreme, građenja vodoprivrednih, telekomunikacijskih, elektroenergetskih i drugih komunalnih instalacija i objekata (instalacije, cjevovodi i sl.) donosi Služba za investicije i komunalne poslove Općine Vogošća na osnovu izdatog odobrenja odnosno saglasnosti prema članu 58. i 64. Zakona o cestama Federacije BiH („Službene novine Federacije BiH“, broj: 12/10, 16/10 i 66/13).

Član 8.

Vlasnici vodoprivrednih, telekomunikacijskih, elektroenergetskih i drugih komunalnih instalacija i objekata (instalacije, cjevovodi i sl.), uređaja i opreme, izgrađenih u cestovnom zemljištu prije donošenja ove Odluke, dužni su u roku od 2 mjeseca od dana stupanja na snagu ove Odluke, dostaviti Službi za investicije i komunalne poslove Općine Vogošća geodetski snimak izgrađenih komunalnih, vodoprivrednih, telekomunikacijskih, elektroenergetskih i drugih objekata (instalacije, cjevovodi i sl.), uređaja i opreme, u analognom ili digitalnom obliku.

Ukoliko vlasnici iz stava 1. ovog člana ne dostave navedeni geodetski snimak, donijet će se po službenoj dužnosti rješenje o korištenju cestovnog zemljišta na osnovu činjenica utvrđenih u postupku.

Član 9.

Rješenje o korištenju cestovnog zemljišta sadrži:

1. naziv i sjedište organa donosioca rješenja,
2. ime i adresa korisnika cestovnog zemljišta,
3. jedinstveni matični broj korisnika, odnosno identifikacijski broj korisnika,
4. veličinu cestovnog zemljišta izraženu u odgovarajućoj mjernoj jedinici koja se daje na korištenje,
5. svrhu u koju će se koristiti zemljište,
6. visinu naknade na godišnjem nivou,
7. uslove i način plaćanja naknade kao i druge odredbe.

Lični podaci korisnika iz prethodnog stava ovog člana mogu se koristiti isključivo za potrebe prinudnog ostvarenja dospjelih potraživanja po osnovu Rješenja o korištenju cestovnog zemljišta.

Član 10.

Po prijemu Rješenja o korištenju cestovnog zemljišta, korisnik cestovnog zemljišta je obavezan donosiocu rješenja u roku od 15 dana priložiti dokaz o uplati naknade za korištenje cestovnog zemljišta.

U cilju praćenja naplate, jedan primjerak rješenja za korištenje cestovnog zemljišta dostavlja se Služi za budžet i finansije Općine Vogošća.

U slučaju da obveznik plaćanja naknade ne izvrši uplatu svoje obaveze, Općinski pravobranilac po prijedlogu Službe za investicije i komunalne poslove Općine Vogošća, pokrenut će izvršni postupak.

IV – NAKNADA

Član 11.

Naknada za korištenje cestovnog zemljišta utvrđuje se na godišnjem nivou i obračunava se:

1. za cjevovode, instalacije i vodove, po dužnom metru;
2. za elektroenergetske objekte, elektronske priključke i opremu (stupovi zračne mreže, trafostanice, razvodne ormariće, zdence ili šahtove), telekomunikacijske objekte, telefonske i antenske uređaje i opremu (bazne stanice, antenske stupove, radio relejne stanice, zdence ili šahtove i dr.), po komadu.

Naknada iz stava 1. ovog člana plaća se, unaprijed, u jednokratnom iznosu.

Ukoliko investitor ne izvrši polaganje instalacija, prema postavljenom roku i uslovima iz rješenja o odobrenju odnosno saglasnosti, obavezan je o tome izvijestiti upravitelja ceste, te ako želi zadržati pravosnažno rješenje o odobrenju odnosno saglasnosti, a nije počeo koristiti cestovno zemljište obavezan je plaćati naknadu za korištenje cestovnog zemljišta umanjenu za 50 % od utvrđene naknade.

Član 12.

Vlasnici komunalnih, vodoprivrednih, telekomunikacijskih, elektroenergetskih i drugih objekata (instalacije, cjevovodi i sl.), uređaja i opreme obavezni su plaćati naknadu za korištenje cestovnog zemljišta.

Naknada za prvu godinu korištenja cestovnog zemljišta obračunava se od dana donošenja Rješenja do 31.12. tekuće godine, a za svaku narednu godinu korištenja cestovnog zemljišta, naknada će se obračunati novim Rješenjem za period od 01.01. do 31.12. odnosne godine.

Član 13.

Visina naknade za korištenje cestovnog zemljišta po metru dužnom iznosi:

1. za telekomunikacijske i električne kablove i slično – 0,60 KM/m',
2. za cjevovode do 200 mm profila – 0,90 KM/m',
3. za cjevovode većeg profila – 1,50 KM/m'.

Član 14.

Visina naknade po komadu iznosi:

- a.) za elektroenergetske objekte, elektronske priključke i opremu:
 1. stubovi zračne mreže – 30,00 KM/kom;
 2. trafostanice – 180,00 KM/kom;
- b.) telefonske i antenske uređaje i opremu (bazne stanice, antenske stubove, radio relejne stanice i dr.) – 180,00 KM/kom
- c.) za sve vrste razvodnih ormarića, okana ili šahtova – 36,00 KM/kom.

Član 15.

Visina naknade za korištenje cestovnog zemljišta za nekategorisane ceste obračunava se umanjena za 50 % od iznosa utvrđenog članom 13. i 14. ove Odluke.

Član 16.

Obavezi plaćanja naknade za korištenje cestovnog zemljišta ne podliježu stubovi zračne mreže postavljeni uz lokalne i nekategorisane ceste u gradu/naselju koji se koriste samo za javnu rasvjetu.

Član 17.

Pored naknade iz člana 13. i 14. ove Odluke, podnosiocima zahtjeva plaćaju i troškove postupka i troškove izlaska na teren stručnih lica nadležnog organa za ceste.

a.) Naknada za davanje saglasnosti za polaganje infrastrukturnih vodova (vodovod, plinovod, kanalizacija, TK instalacije, elektroinstalacije i slično), kroz trup ceste i cestovne objekte iznosi:

1. sa prekopom trupa ceste – 1.000,00 KM,
2. sa bušenjem trupa ceste – 250,00 KM,
3. ovješene na objekte ili kroz objekte – 500,00 KM,
4. za elektroenergetske, telefonske, antenske priključke, opremu i slično – 100,00 KM,

b.) Naknada za davanje saglasnosti za polaganje infrastrukturnih vodova (vodovod, plinovod, kanalizacija, TK instalacije, elektroinstalacije i slično), paralelno sa osovnom ceste, a pored trupa ceste iznosi – 300,00 KM,

c.) Naknada za davanje saglasnosti za prijelaz dalekovoda iznad javnih cesta iznosi 300,00 KM.

Troškove izlaska na teren stručnih lica nadležnog organa obračunavaju se 40,00 KM/h uračunavajući i vrijeme odlaska na teren i povratka sa terena.

Član 18.

Sredstva ostvarena od naknada za korištenje cestovnog zemljišta plaćaju se na račun Općine Vogošća i čine prihod Budžeta Općine Vogošća.

V - NADZOR

Član 19.

Poslove inspekcijskog nadzora nad provođenjem ove Odluke vrši Inspektorat Općine Vogošća.

VI – PRELAZNE I ZAVRŠNE ODREDBE

Član 20.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj:01-02-800/24
Vogošća, 25.04.2024. godine

